

Transformation

Wiä nä'Räupä wo dur ds Läbä chryycht
Numä Nessler und Gräeser kännt.
Doch de pletzlich dem Impuls folgt
Sich verpuppet – i' d' Larvä hängt.

I' dem Momänt wo d'Räupä meint
Diä ganzi Wält tääg'i under gah
Isch sie Schmäterling wordä
Wo jetz losg'leest fliegä cha.

D'Muäter Ärdä isch d'r Spielplatz
Laht alles Läbä drüüf tanzä.
Miär gend dur' Transformationä
Sind ä Teil vom Grossä Ganzä.

Liächtträger – Dü bring'sch das Liächt
Wo erhellt myyni dunkli Nacht.
D's heilig Fyyr hesch i miär entzündä
D' Liäbesgluät nyyw entfacht.

Dyys Wissä macht sovill sichtbar
Wo mit gläubä blyybt unklar.
Ich bin am lernä und erkännä
D's Läbä - isch wunderbar.

D'Muäter Ärdä isch d'r Spielplatz
Laht alles Läbä drüüf tanzä.
Ich gah' dur Transformationä
Bin' ä Teil vom Grossä Ganzä.

D'Muäter Ärdä isch d'r Spielplatz
Laht alles Läbä drüüf tanzä.
Miär gend dur' Transformationä
Sind ä Teil vom Grossä Ganzä.